



CANNEN

Composet dré en Eutru NOURY, Person Beignén, é ranteleah er Portugal, ha degasset d'é barræs, en trizéc a vis Merh 1800.

Ar en ton : Souéhet-on, Pleniäuis.

Cheleuet ur Person a escohti Guénéd,
Pél doh er ranteleah, eïd er fé forbannet :
Pél-ù a gorr dohoh, mæs é intantion
E zou perpet guenoh, querclous él é galon.

A houdé er momand cri ha disconfortus
Ma on pèlleit dohoh dré ordreu maleurus,
Dirac men deulegad perpet en hou cuélan,
Hag ar hou poénieu dé ha noz é ouilan.

O dé lan a glabar, ó dé lan a dristé !
En dès me separet doh me heih bugalé ;
O disparti cruel ! en durant ma vivein
M'em bou change a nehous, jamæs n'ha ç'an-
coéhein.

Poble perpet fidel de Zoué ha d'hou Pélean,
Scrihuet-oh ém halon, én andret tinérran ;
Men dorneu, me zahéd e zisséhou quéntoh
Eit ma hellein jamæs col er change a hanoh.

Hanval doh Jérémï pé doh er gueih Juivéd,
Êr guér a Vablon pèl-amzér captivéd,
Bamdé, én ur changeal é ol hou poénieu,
Guet houlenneu er mor é caigean men dareu.

— 2 —

O tud vad ha devot, mèn é ma oueit arzé
En amzér eurus-hont ma me havéh bandé,
Eit cleuèt conzeu Doué ha discarg hou calon
Hag eit hum gonforteïn dré er gommunion ?

Ah ! mem bugalé queih, é péh stad é oh-hui ?
Hui em goulén bandé, ha n'em havet quet mui :
M'hou coulen a me zu ; mæs, ô péh un druhé !
Ne hoès chet mui a dad, na mé a vugalé.

O queih devedigueu, petra vou a neoh ?
Pihue hon c'assistou, pihue e rei secour d'oh ?
O Jesus, bugul mad ! hou pet change a nehai,
Hag astennet hou torn é peb momand dehai.

O Isprideu eurus, ô Sient ha Santéséd !
Ha hui, Rouannès en nean, chomet guet-hai berpet
Reit dehai assistance én ou dobérieu,
Reit dehai confortance é ol ou zrebilleu.

O Ranteleah a France, ô bro discomfortet !
É péh mor a dristé é ous-té bet taulet !
Gùéharal é hoès lan a bep coutantemant ;
Mæs bermen ne lès mui meit anquin ha tourmant.

Ur vanden traiterion, hemb fé hac hemb lézen,
En dès ha ravaget, ha laqueit peb-eil-pen :
Lamet ou dès guenid ol joyeu er galon,
Hac ha taulet én don ag en affliction.

Ouilet, men deulegad, Ælòd en nean, ouilet ;
Deit ol, pobl ag en doar, deit ha consideret
Hac ean zou bet jamæs guélet ur melconi
Hag ur gloès a galon hanval doh hun hani !

— 3 —

Hun Escobéd, Bélean ha Menéh forbannet,
Guet er gueih Leannéséd ; er boble dilezet
Hemb office, overen, hag hemb sacremanteu,
Hag en drein é cresquein én hun ilisien.

Croéz, calic, orlemant, ciboévieu profanet,
Ha guet er hlehiér a bep parræs lairet ;
En ilis é beguin, forhet a hé madeu,
Ha Jésus forbannet a hun tabernacleu.

El limageu santel a bep tu destruget,
Peb merche a grechéneah fondet ha ravaget,
Er guir grechénion, en dud vad é ouilein,
Hag er ró fal partout doh ou fersécutein.

Ne gleuamb eozz bandé nameit a valeurien,
Ne huélamb a bep tu meit glahar ha dareu ;
Troublet-û en ispid : sterdet-û er galon,
Ha disséhein e hramb guet en affliction.

O goalen ag en nean, vanjanç eahus un Doué,
A ravagein en doar pegours é cessei-té ?
Mæs pegours ha penaus é hellou-hi cessein,
A pe ne cessér quet a hi attahinein ?

O men Doué, fachet-oh a gaus d'hur péhedeu,
Ni hun hunan zou caus de ol hur poénieu :
Pe vemb bet fidel d'oh, é veoh bet fidel d'emb ;
Mæs pèlleit omb dohoh, ha hui bélla dohemb.

En hou colér, neoah, lan-oh a vadeleah,
Hag é creis hou vanjance, hui guenig d'emb er
peah.

Pardon, men Doué, pardon, ni zou hou pugalé ;
Deust d'en droug hun nès groeit, pardonnet-ni
arzé.

— 4 —

D'er ranteleah a France, d'en Ilis affliget,
 Rantet, men Doué, rantet hou madeleah passet;
 Hou pet truhé dohemb, ô Doué a garanté!
 Daccoret-t'emb er peah, daccoret-t'emb er fé.

Pegours é vehemb-ni, bugulion ha devèd,
 Eit hou mêlein, men Doué, èl aguënt dastūmet?
 Pegours é tei en dé de séhein hun dareu,
 Ha de gannein gloër d'oh én hun ilisieu?

O dé lan a zoustér hag a goutantemant,
 Me chonge e zou guenid peb ær ha peb momand!
 O Doué a madeleah, hastet en termén-zé,
 Eit ma hellein quënt-pél guélèt mem bugalé.

Qué, cannen hirvoudus, sustang a me halon,
 Qué, ha lar de me fobl ol me affliction;
 Douguet-hi, Ælèd mad, hag assuret dehai
 É ma ha dé ha noz ol me chongeu guet-hai.

Trehunel, æstik-noz, guet en amzér nehué
 É hehet de gannein doh dor mem bugalé:
 Ah! perac ne hellan neigeal ehué guenoh,
 Eit monnèt drest er mor bet hur zy, avel oh!

Ah! groeit ahoel ém lèh, criet a bouis hou pèn:
 Dalhet ol doh er fé, dalhet doh hou lézen,
 Ha groeit dehai rescond: ni zalhou doh er fé:
 Quëntoh merhuel mil guéh eit ancoéhat hun Doué!



É Guénèd, é ty GALLES.